



PAMFLET

598





Discours oft Verhael
ghemaect op de quetsure van mijn
Heere de Prince van Ozaigen.



Ghedruet Anno M. D. CCCCXIII.

598
14.

Handels- en vervaer-
tungs- en fabriek-
wet van 1817



Handels- en vervaer-
tungs- en fabriek-
wet van 1817

19

Discours oft verhael ghemaect op de quetsure
van mijn Heere de Prince van
Oraignen.



In eenen vanden af geworpen brieuen die de Cardinael van Granvelle schryft aen Moyllon / sprekende van mijn Heere den Prince van Oraignen / seyt hy dese woorden:

VVaert dat dese ongheluckighe van Oraignen doot ghevalen vvare vanden scheute, daer vvaer beter hope, &c.

Dese woorden vanden Cardinael hebben my oorsake ghegheuen om te doen een verhael op de quetsure van mijn Heere de Prince van Oraignen / het welcke / als ick hope / alle de Prouincien van de Nederlanden gheenlins tot achterdeel en sal wesen / en oock eenichlins den naest ghelegghen landen profitelich / de welcke gheen quaet herte en draghen tot de ruste vane Christenryck: ende den welcken met goede reden die te seer groote macht vande Spangiaerts behoort suspect te wesen. So dunct my dan dat niet qualich en sal te propooste comen / dat men ten alder eersten ondersoecke / wien desen titel van ongheluckich beter voeghet / of den selfden Heere de Prince / of zijnen vpanden.

Men can metter waerheyt niet ontkennē dat den Coninck Philips niet en soude binnen zijn leuen veel groote saken ende voorderinghen tot zijner voordeele hebben ontfanghen: Want al eer hy gheboze wert / was de Keyser Kaerle zijnen vader / de machtichste Prince van Christenryck: niet alleene om dat hy Keyser was / maer ooc om zijn groote en wijt-streckende Coninckrijcken / Landen / en erf-goeden / oock om zijn groot verstant / goet oordeel / eruarentheyt ende cloeck begriyp: ende te meer dat hi ontsien ende gheureest was: niet alleene vande Christenen Princen / maer oock vande Turcken / Mozen / ende ander Barbaren / of vreemde natien: de welcke tot zijn beuel groot ghetal hadde vande cloerste Capiteynē vander werelt: niet alleene vande Nederlanden / waer dat ten minsten waren wel swaelf personagien die waerdich ende bequaem waren om te regeerē d'alder meeste armeyen ende heyrachten / maer oock van ander natien: Iae die selue dooz zijn subtylheyt ende cloeck verstant tot zijnen dienst getrocken hadde vande cloeste Capiteynen die inden dienst van ander Princen zijn mochten. Men sal moghen segghen dat dit gheluck den Keyser Kaerle epghentlick toe behoorde: Wie isser die dat sal ontkennen: ende dat hy met dit gheluck niet en soude so schoone ende groote aenslaghen ten eynde gebrocht hebben: dooz de welcke zijnen name ende fame (dwelcke geen cleyn punct en is van gheluck) niet alleene en heeft binnen zijn leuen ouer alle de werelt verbruyt gheweest: maer oock alle de nacomers sullen hoorē clincen zijn groote ende onsterfelicke glorie ende eere. Maer men can oock niet gheloochenen / indien desen grooten Keyser achter gelaten hadde een

21 j erf

erfghename die hem ghelijck ware / of dese groote voorspoet ende gheluck
soude ghedobbeleert gheweest hebbē inde persone van zynen sone. Die hi-
stozien hebben Alexander de groote van Macedonien seer vermaert ghe-
maect voor den principaelsten / ende meest vermaerden Prince oft hooft /
die opt soude gheregeert hebben / naest Julius Cesar ; by wien alle ander
groote Capiteynen die tot nu toe gheweest hebben / geenlins en zijn te ghe-
lijcken. Maer wie sal derren ontkennen / dat die voorgaende Coninghen
van Macedonien / die van langher hant den crijchshandel ghepleecht had-
den / niet en souden ghedient hebben tot voerderinghe van desen grooten
Alexander ? Ende aengaende Philips van Macedonien zynen vader / ick
hebbe veel groote personagien / so wel seer gheleerde als ervaren in saken
van state / hoozen disputeeren wien datmen behoorde den meesten lof ende
eere te gheuen / of Philips / oft Alexander. Niet datmen gelijckenisse maect
te vande grootheyt vande conquesten / ende gheluckige eynden ende tber-
volghen vande strijden die by den eenen ende den anderen gewonnen wa-
ren / maer men maecte gelijckenisse van d'eerste middelen die den eenen en
den anderen hadden ; de swaricheyt van te conqueren / het onderschept
vande cloetheyt vande vanden / daer sy teghen vochtē : ende van Philips
zijde / den arbeit die hy hadde ghedaen om so veel goede Capiteynen ende
crichslieden te maken / als hy zynen sone heeft achter ghelaten / voor eenen
schat : Welcke hem heeft geweest een veel meerder ende rijcker patrimo-
nie / dan het Coninckrijcke van Macedonien / dat het erfgoet en patrimo-
nie was van henliedder gheslachte / metten Keyserrijck van Grieken dat
door de groote vromicheyt van Philips ghewonnen was.

Aengaende den Keyser Kaerle / wie soude niet reden connen wederleg-
ghen / dat in zyne persone niet en souden haer als gestort hebben / de groo-
te vromicheden en ghelucken vande seer edelen hupse van Bourgongien
de groote wijsheyt ende gheluckich gouernement vande Coninghe van
Castilien / de welcke wt Spangien verdreuen hebben de Saracijnische Co-
ninghen / ende van die van Arragon / die vercreghen hebben so door hem
vromicheyt / als door practike ende loofheyt / de Coninckrijcken van Na-
ples / Sicilien / Maiorque / Minorque / ende Pauarre ? Sonder noch te
vermanen vander autoriteyt die thups van Oostenrijck henlieden heeft
vercreghen onder de Duytsche natie ; wt de welcke dat de Keyser in alle
zijn oorloghen / ghelijck wt een loop plaetse getrocken heeft een groot ge-
tal van crichsvolck / so wel te voet als te peerde. Maer sal oec bekend ende
onder alle wijsen mannen gheresolueert bliuē / dat de Keyser Kaerle so veel
voerbeels van zyn voorsaten ontfanghen hebbende / heeft niettemin ver-
creghen ende gheraet tot het hoochste voort van alle geluck / ende tot zyn-
ner volmaetheyt ghebrocht / dit werck vanden Keyserrijck van zynē hup-
se / welcke hem niet alleene in Duytschlant wt en strecte / aen welck lant
dat schijnt dat den naem vande Keyserrijck ghenagelt is / maer in alle Pro-
uincien van Europaen ende hem oock wel breet wistreckende in Afrikaen /
oock in Indien ende int vierde deel vander werelt.

Maer nu dat zynen sone / den Keyser zynen vader soo verre te bouen
hadde

hadde ghegaen/als de Keyser zijn voorszaten heeft ghedaen : of dat hy te
minsten eenichsins in dese vromicheyt ghecontinueert hadde / onghewij-
felt hy hadde gheweest een vande meeste Coninghen vander werelt / Ja
vande ghene die vooz hem gheweest hebben. Maer men moet oock noot-
sakelijck bekennen/dat gheen cleyn punct en is gheweest van ghelue/van
een alfulcken vader ghebozen te welen/alfulcken ende so groote erfachtie-
heden/tot erue te hebben;ende erfghenaem te zijn van so grooten menich-
te van goet oorloochs volck/ende principalick van vrome Duytsche/Ita-
liaensche/Spaensche/ende bouen al Nederlantse Capiteynen/in voeghe
dat tot op den dach van heden de Coninck Philips hem beuint van God
seer groot onderstant te hebben/ende seer gheluckich te welen / dat hy een
sone is gheweest van alfulcken vader.

Hi voozby gaende de kintsche ionckheyt vanden Coninck Philips / so
siet hier een tweede punct van gheluck; te weten/dat hy tot mannelicken
staet comende/ende daer toe binnen zijns vaders leuen/ heeft ontfanghen
ende ghehult gheweest van so groote Coninckrijcken/Landen ende Heer-
schappien. Ende hoe wel dat de Keyser op d'eynde van zijn Keyserrijk/
hadde eenich teghenpoet ghehadt/so wel in Duytschlant door de vromic-
heyt van Hertoghe Mauris ende ander Duytsche Vorsten / als door die
conquesten vanden Coninck Henrick van Franckrijk / ende ten laetsten
door tbeleg van Mets/so was tgheluck vanden Coninck Philips sulchs/
dat hy door de negheniarighe apden of bystant van ghelue hem by de Ne-
derlanden gheconsenteert/ende door de groote vromicheyt van goede Ca-
piteynen/principalick vande selfe landen/de saken weder heeft gebracht
in sulcken staet/dat hy na diuersche schoone victorien/niet alleene en heeft
weder ghereghen alle tghene dat zijn vader verlozen hadde / maer oock
heeft verlekert den staet van Italien/ende weder doen stellen den Hertoghe
van Sauoye zijnen principalen vrient ende dienaer in alle zijn Lan-
den/die zijnen vader verlozen hadde. Daer na hebben oock zijn saken seer
grooten voortganck ghehadt in Indien. Ende als den Turck hem heeft
willen herrighen (wtghenomen ewelies dat hi hadde in Zerbi/en tshan-
delick in nemen van la Coulette) hy heeft so gheluckich gheweest / dat hy
door sommighe Ballanen met gelue d'ooghen wt te steken / d'oorloghe op
ander plaetsen ghesonden heeft / of door zijn loofheyt de Venetianen heeft
ghetrocken met hem in een verbont/makende van henlieder Coninckrijck-
ke ende landen een contrescarpe endereuelin om zijn landen vooz den aen-
stoot te beschermen ende bewaren; Ende heeft daer toe so gheluckich ghe-
weest/dat die heerliche victorie op zee verregen door tbloet ende vromic-
heyt vande Venetianen/heeft beheert gheweest tot zijnder eere en profijt/
dwelcke also beschiet wert door Don Jan van Ostentrijk / niet wete en
consent vanden Paus. Ende aengaende de saken van Nederland / alle sa-
ken waren hem ghetomen na zijnder begheerte: want men mach segghen
dat de Hertoghe van Alue inde selfde landen comende met een hant vol
volck/niet van poene en hadde dan wat rijts ende eenen fourier om de la-
gementen te teekenen/ende eenen beul om te hanghen ende onthallen de
ghene

by
ghene die in dese landen waren: dwelcke hem so wel heeft ghelucket dat de
reste vande Heeren die in dese landen niet en waren / in zynen handen in
Spangien waren: waer dat met de selfde op de Spaensche maniere ghe-
handelt is gheweest/ghelijck alle man wel bekent is. Aengaende de Prin-
ce van Ozaigne/die alleene wt zynen handen ontcomen was/die was ge-
heel onterft van alle zyn goeden/so dat hy niet een gulden inucomens en
hadde: ende daer en bouen wert zyn outste sone ouer gheuoert in Span-
gien/als vooz een pant / dwelcke gheen cleyn punct van gheluck en was:
ende daer af dat Coninck Philips ende zyn hangerken den Hertoghe van
Alue/instrument van zyn wreetheyt/ hem dickwils beroeint hebben. Ja
dat meer is/als de voorszeyde Prince tot tweemaal niet heyracht in dese
landen ghecomen heeft / alle beyde de reysen hebben hem begeuen de ghe-
ne die hem ghelooft hadden/ende op de welcke hy steunde: eenighe bi ghe-
breke van courage/ander by ghebreke van ghetrouwichheit / dwelcke ooc
gheen cleyn punct en is gheweest van gheluck: ghelijck oock den Hertoge
van Alue wel heeft te kennen ghegheuen dooz den ewighen impost van
den hondersten ende thienden penninck/die hy de gemeente meende op de
hals te legghen / niet als erf onderlaten van zynen meester / maer als een
volck dat verwonnen/ende slaue gemaect is. Ende desgelijcx dooz dat ho-
ueerdich opzichten van zyn beelt of figure in het Casteel van Antwerpē.
Ende wy sien oock dat hy tot allen tijden heeft ghespeelt/ by maniere van
legghen/ghelijck met eenen bal/met de Heeren van Italiē: en dat de Paus
de saken vanden seuer Coninck heeft in handen ghenomen/al oft zyn ey-
ghen saken waren/Ja so verre dat hy hem wilde tvoor-sitten geuen vooz
den Coninck van Vrankrijck. Aengaende dat Keyserrijck / hy heeft daer
af ghedisponeert/ghelijck van zyn eyghen saken. Ende aengaende Vranc-
rijck / hy en heeft daer gheen ghebreck ghehad van also goede dienaers/
als hy hadde binnen Madryd / of binnen Siuiliē. Ende ten laetsten een
peghelijck liet/hoe lichtelijck dat hy is meester gheworden vanden lande
van Portugal/ende by desen middel zyn lant heeft int ronde staende: heb-
bende nu ter tijt in zynen handen tgeheel lichaem van Spangien.

Wie isser dan die soude moghen ontkennen dat de Coninck van Casti-
lien niet en soude gheraect zyn seer aen thoochste boort van alle gheluck?
Ende so veel als my aengaet/ich en can niet ghetwijfelen / als myn Heere
de Cardinael/volghende de cloetheyt van zyn verstant/hem seluen dese sa-
ken vooz ooghen lept / ende daer toe het wijs beleyden van alle henlieder
saken die sy ten eynde ghebrocht hebben / niet metten sweerde / maer met
luttel ducaten: Hy en moet in grooter weerden hebben dit gheluck ende
voorzpoet van zynen meester/ende dien achtervolghende hem seluen oock
voorz seer gheluckich houden/ als hy denckt dat zyn grootvader een hoef-
smit was/ende dat hy nu hem seluen liet bedienen ende onderwint hebbē
van alle dese groote saken onder eenen so gheluckighen Prince/ende tot-
ten crop toe vol rijckdoms zijnde:ende maer een Priester so veel dienaers
heeft/dat hy int eynde vanden voorszeyden Jare/geschreuen heeft aen Mo-
rillon/datter op een reyle tachtentich sieck waren. Wie en acht oock niet
een

een Prince van Parma voor gheluckich / dat hy ouerste is van deser ar-
mepe / die sy heeten Catholicke ende victorieus / voor sulcken Prince / ende
dat hy hem heeft ghestelt teghen een hooft van so grooten hupsle / als is een
sone vanden hupsle van Franckryck / van dwelcke alle zijn voorszaten arme
dienaers zijn gheweest: ende die onlanck gheleden door weldaet van tself-
de hups / de selien hebben in haerlieder wapenen vercreghen / ende henlie-
der edeldom. En dat hi hem nu ter tijt laet heeten Alceze / om hem te schep-
den oft wt te steken houde alle ander cleyne Excellentie / den welcken hi be-
ueelt en daer af dat hy de ouerste is: en hy desen middel gelijc is den mach-
tichsten Vorsten vander werelt / naest de machtichste Coninghen. Ende
aengaende Ispar Alastro / wie twijfelt dat hi ende alle de Spangiaerts /
die op dien tijt brieuen hadden vande doot vande Prince / oft ynnuers hem
verskeret hielden dat hy de doot niet en mocht ontgaen / Alastro niet en
hielden voor seer gheluckich / dat hy sulcken seyt hadde te wege ghebrocht:
aenghesien dat sy eenen so snooden moorder als Jaureguy houden voor
een martelaer: Daer hebt ghy waeromme dat mijn heere de Cardinael he-
seluen ende zijnen meester / met meer ander voor gheluckich reeckent: ende
ter contrarie de Prince van Ozaigue hout voor ongheluckich. Maer mijn
heere de Cardinael / wat sult ghy segghen / ist dat ick v bewijse / dat als ghi
den Prince ongheluckich heet / dat hy geraect is aen d'hoochste boort van
gheluck: ende dat hy so seer als een mensche moghelick is / gheromen is op
den oppersten trap van alle gheluck? Ist dat ick v bewijse dat die snooden
ende verraderlike practiken van uwen tyran (want hy gheenlins en is
weerdich den naem van Coninck) met de welcke hy gheheel ende al inen-
de den Prince te verdrucken ende neder te vellen / hebben gheweest niet al-
leene tbeginfel / maer het eynde van alle ongheluck / dat hem op den hals
is gheromen: en den schandelicken hoet / die ghy ende de uwe opt sult ma-
ghen op thoofst stellen: ende dat den strop is daer mede de snooden Alastro
sal verwocht werden: ghelijc hy ellendich ende schandelick heeft doen
steruen die arme ionghe lieden / de welcke hy heeft bedrogen ende verra-
den: Ja dat meer is zijnen eyghen biechtvader: Ende dat ick v dan voort
bewijse dat uwen Coninc ende Tyran de snoodste Prince is / die opt croo-
ne opt hoofst hadde. Ick ghelooue als ghy dese saken sult hoorzen / dat ghy
dit bywoort ongheluckich sult veranderen / ende toe schicken uwen Co-
ninck / ten sy (hy auontuere) dat ghy tselfde voor v selue hout / als kennen-
de v seluen voor snooder dan hy is / en dat ghy v selue daer mede sult dec-
ken ghelijc met eenen fraeyen mantel ende hoet van een Cardinael.

Nu ist een seker sake / in v eyghen brieuen en meer ander segghent claer-
lick / dat de ghemeene opinie is vanden Spangiaerts / dat de doot vande
Prince van Ozaigue / soude gheweest hebben de verskertheit vande sa-
ken vanden Coninck van Spangien in dese landen. Daer hebt ghy de re-
den waeromme dat de Coninck van Spangien met veel ende verscherpden
personen heeft ghesproken / ende gehandelt van de middelen om hem van
der werelt te helpen / door moorderien ende verscherpden manieren van
vergiften. Niet min en hebben oock ghedaen de Prince van Parma / ende
sommighe

bij

sonninghe die van zijnder zijden zijn/ de welke oock wel bekend zijn. En
volghende dit boornemen / so wort aen Anastro de ghelofte ghedaen van
tachtentich duysent ducaten/ door tusschen-spreken van Plunsa / ghelijck
vrecder verhaelt wort by de ghetuyghenisse van dien armen dienaar van
Anastro / die deerlick van zijn meester heeft ter doot gheleet gheweest.
Maer also God d'aenflaghen vande boose menschen can te niere doen/ also
heeft hy oock dese quetsure gheheel contrarie ende anders laten gheschie-
den/ dan dese snode menschen voor ghenomen hadden. Tis wel waer dat
de verbaestheyt metten eersten seer groot was / als onuerwacht ende on-
bedacht ghebeurt zijnde op alsulcken dach/ te weten/ vander geboorte van
mijn Heere den Hertoghe van Brabant / ende op den welken een peghe-
lick hem gereet maecte om vrolick te zijn op tbancket dat dien selue auont
soude ghehouden worden: Zijnde den slach gheuallen op een Prince die
vander ghemeynte so seer bemint is / dat noyt Prince binnen menschengh
ghedenckenisse meer mocht bemint zijn: Op een Prince die alleene van al-
le de groote Heeren vanden lande heeft begost / en ghecontinueert in tver-
volch vande vryheyt vanden lande/ ende wt d'ijuen vander tyrannie: Op
een Prince die zijn leuen heeft versleten inden dienst vanden lande / ende
voor so veel arbejts ende moeytē: voor tverlies van zijn drie broeders die
in dit gheschil of questie ghebleuen zijn: voor zijnen sone die hi voor so veel
als doot hout / zijnde in handen van sulcken vyant. Voor alle dese welba-
den / en heeft hy tot op den dach van heden gheen ander vergeldinghe ghe-
hadt / dan de goede affectie ende vrientschap vanden ghemeynen volcke:
Op een Prince op wien naelt God dit ghemeyne volck alle zijn hope ghe-
stelt heeft. Ende indien dat ghevolcht hadde tghene dat veel boose men-
schē/ dat de Prince van Parma/ Anastro/ de Cardinael/ ende henlieder Co-
ninck/ begheert hadden: het is seker datter soude ghebeurt hebben een seer
groote confusie in alsulcken stadt/ daer eerst was ghecomen mijn Heere de
Hertoghe van Brabant: wiens deucht ende gestadicheyt noch so wel niet
en waren bekende/ als die/ God danck / nu ter tijt zijn. Maer God die alle
saken regeert door zijn heplighe voorzienicheyt/ toonde terstont hoe dat hi
in dese quetsure / de welke metten eersten hadde ghelijck eenen swaeren
donderflach/ dese gheheele stadt in roere ghestelt / woude alle man te ken-
nen gheuen hoe dat hy door nieuwe en vreedende middelen t'onder broch-
te d'aenlagen ende het boornemen vande Tyrannen ende gemeyne vyan-
den ende gheconspireerde van gheheel Christenryck. Want wie can men
toe schryuen/ dat delwijle de saken so int verwerde stonden/ ende gereet om
in sulcker confusie te vallen / so veel beschepts ouer dē moorder Laureguy
gheuonden wert / dat gheen mensche ter werelt / tselue ghesien hebbende/
in gheender manieren hadde moghen twijfelen dat de Spangiaerts alle
dit werck van boosheyt gheroct hadden? In voeghen dat op een ooghen-
blick tijts ende terstont / in stede dat die Spangiaerts met henlieder aen-
hanck meynden een seer goede oorlake gheuonden te hebbē/ om de Fran-
cosen ende die vanden lande tweedrachtich te maken/ gheheel de contra-
rie ghebeurt is/ so haest als de waerheyt haer begost te ontdecken/ en oock
een

ix
een fondament van vrientschap ende versaminghe ghelept wert / die na-
maels daer wt gheuolcht is / de welcke met Gods hulpe onsterffelijck en
onbzekelijck sal werden / ende door de welcke alle de reste vande Spaen-
sche tyrannie wtgheropt sal werden wt desen lande/ende gheiaecht wordē
ouer tgeheberchte van Spangien. Jaureguy hoe wel dat hy seer sot was/
gelijck hy wel bewesen heeft/dat hy hem also hadde laten betooueren van
den verrader Anastro/so en was hy nochtans so stercht niet / of hy en wist
wel/houdende by hem alle tbeschept dat by hem gheuonden wert / dat hy
oock de sake soude gheheel ende al ontdecken ende te kennen gheuen/ende
dat hy zynen armen mede-gheselle Venero soude in last brenghen. Maer
wie is daer die wederstaen mach die voorszienicheyt Gods? Want Jaure-
guy niet wetende waeromne dat hy sulcx dede / heeft by hem ghehoudē
alle tself de beschept / dwelcke God gebruytē om het seyt waer te maken.
En dat meer is/men sal seggen dat een auontuere was/dat Vanderdaechs
de bzieuen van Anastro in handen vander wacht zyn gheuallen / door de
welcke den aenflach so int licht is ghecomen/dattet proces goet om makē
was. Nu alle dese dinghen zyn door Gods voorszienicheyt belept geweest/
ghelijck oock wel gheproeft hebben de ghene die acht ghenomen hebben/
dat so veel boose acten / door de subtylste menschen vander werelt beleet
zynde/ ende met de meeste bedertheden diemen soude moghen bedencken:
nochtans in tlicht zyn ghecomen/en ghestrakt gheweest hebben door mid-
delen diemen niemant anders dan God en mach toe schryuen. Dwelcke
alle menschen die door den dupuel bedrogen ende verlept zyn/gelijck ghe-
weest zyn Anastro ende Jaureguy/wel mach doen pepnsen dat henlieder
loofheyt ende practike gheensins en is te ghelijcken by die onepndelijcke
wijsheyt Gods/die de dooztrapste vangt in haerlieder bedroch/ende den
menschen wil doen gheuoenen de merckelicke crachten van zyn rechtueer-
dicheyt. Dit was dan tbeginfel vande verlekertheyt / de welcke den die-
naers van mijn Heere den Hertoghe van Brabant / ende vande voorszeyde
Heere de Prince ter hant quam / doen sy ghenoech beladen ende verflaghen
waren/ende die den wech maecte/tot tgene dat naderhant volchde vande
waer-makinghe van een so snooden seyt / ghelijck nu ter tijt alle man be-
kent is. De Spangiaerts meynden dat desen slach soude geheel schepden
ende verureinden de herten van die vandē lande/vande Francosien/ ghe-
lijck de Cardinael schrijft in zyn bzieuen/ende snatert/leggende: Dat ware
den deun/dat die van Antwerpen den Hertoge van Allenlon in handen le-
uerden om ghestrakt te worden:want wt dese woorden cannen wel merck-
ken tghene dat sy inden sin hadden. Hoe wel dat door de bzieuen vanden
Marquis van Berghen ende ander die af geworpen werden/te seer claer-
lick verstaen wort wat hope dat de Spangiaerts ende ghespaignoliseerde
gesellen van dese quetsuere hadden:te weten / de verderuenisse van zynder
Doocheyt/door de welcke tgeheel lant soude werden gedestruert. Maer
gheheel de contrarie is gheschiet / want gheen sake en heeft de begonste
vrientschap so seer beuesticht:als dese quetsure:want de woorden ende het
diep ghesucht vande Prince/en hebben die niet geweest een eewich getuy-
ghenisse

Eghenisse vande ghestadicheyt ende ghetrouwicheyt tot zijnder Hoocheyt?
Ende als hem t'spreken verboden was vande Medecijns / of dat hy door
t'geswil vander quetsure niet spreken en mocht / en hebben zijn handē niet
geweest ghetrouwe ghetupgen van zijn vaste affectie tot zijnen dienst: niet
ghelijck de lieden gheemeenlyck segghen totter doot toe / maer tot ouer de
doot. Achterlatende mijnen Heeren de Staten / der Stadt van Antwerpen /
alle zijn huyfghelinne ende nacomers soo merckeliche teeckenē van zijn
getrouwicheyt / ende gestadich boornemen tot zijne Hoocheyt: Waert dat
hy wel ghesont ende te passe zijnde sulcken ghetupghenissen hadde ghege-
uen / die ghene die hem kennen / ende die weten hoe rondelick wt dat hi ge-
woone is te spreken / soudent geloof hebben / maer ander soudent wt ghe-
lept hebben na henliedē goetduncken. Maer zijnde zijn leuen ghehangen
aen eenen draet / ende hy zijn doot alleneen verwachtende / gelijk oock de-
pen alle zijn Medecijns ende dienaers / soo wert dese getupgenisse van een
pegghelick voer goet ende van weerden ghehouden: ende de Spangiaerts
mogen oock genoegh bedencken / hoedanich de crachten zijn ende sullē zijn
van sulcker ghetrouwicheyt. Ende ist dat henliedē hooueerde ende ver-
metenheyt henlieden belet t'selfde te verstaen / den tijt sal henlieden meer
leeren dan sy begheeren sullen / te weten / dat dese quetsure den voet heeft
werch genomen / ia de wortel wtgheropt van alle quaet bemoeiden en wan-
trouwicheyt in toecomenden tijde: ende heeft de herten t'samen gebonden
mer so vasten bant / dat alle de practike ende behendicheyt vanden Cardi-
nael onmogghelijck sal zijn: ende oock alle de listighe corruptien van de
Spangiaerts / te doen weder wt spruyten inde herten noch vanden eenen
noch vanden anderen eenich t'rycken van tweedracht: ende ter contrarie /
sullen sy mogen verstaen t'ghene dat sy behooren te vreesen vander veree-
ninghe ende eendracht vande twee landen / te weten / van Vlaenderijck en
vande Nederlanden.

Maer ist dat wy willen aenmercken dese quetsure / men salder vinden
een afgront van miraculen: ghemerct dat de scheute door sulcken plaetse
ghepasseert was / dat gheen Medecijn noch Chirurgijn soude comen ghe-
loouen / ten ware dat hijt gesien hadde / dat die gheneselijck ware: ende oock
de ghene die de wonde ghemeeftert hebben / bekennen dat Gods werck
daer geopenbaert is gheweest: en voerwaer dat de quetsure heeft nat ghe-
maect gheweest met die tranen van so veel goede lieden / ghelijck met een
welrieckende olve of balsen: ende selfs / dwelcke niet sonder wonder en is /
daer de scheute merckelick by den Spangiaert van soo naer gheschoten
wert / dattet vper inden baert ende int hant vatte vande Prince / soo dat
t'ghene dat de moorder meynde dat een groote oorsake behoorde te wesen
vande doot / d'oorsake is gheweest van het ghenesen. Want so een vande
aders vander kele ouernits was / het is wel seker indien t'bloet niet en
hadde gestelpt geweest door een extraordinaire middel / dat neimmermeer
noch Medecijn noch Chirurgijn soude in tijts gecomen hebben / door dat
t'bloet niet sulcker menichte soude wt gheloopen hebben / dat de doot eer
soude daer gheweest hebben / dan d'eerste vermaken vander wonde soude
gheschied

ghelchiet hebben. Maer mits dat de scheute van so by geschoten was/dat
tet gat van pistolet aende huyt raecte / ruyter dat inde wonde quam met
de cloot/canteriseerde in sulcker voeghen d'ader / dat tbloet terstont ghe-
steyt was/ ende niet meer wt en liep / booz dat tverbzant bleesch wt viel.
En hoe wel dat als doen de Prince op een nieu in seer groot perikel was/
so hadden nochtans de Medecijs den tijt om daer op te leggen de reme-
dien die daer roe dienden. Al waert dat booz so groot verlies/ende alle
de moeyten die de Heere de Prince so langen tijt booz de landen heeft ghe-
leden / gheen ander vergelbinghe opt en hadde dan een so excellentie ende
edele getuggenisse als hem op dien tijt van alle den volcke ghegeuen wert.
Wie soude hem connen ongeluckich heeten/dan de Cardinael van Gran-
belle / d'ongheluckichste mensche vander werelt/wtghenomen zijnen Co-
ninck? Alle lieden van verstande meynen dat Pompeius soude seer geluc-
kich geweest hebben/waert dat hy gestoruen ware als die van Naples en
omme ghelegghen plaetsen hem teghen quamen met bloemē ende alle teer-
kenen van vrolicheyt/na dat hy van zijn sieckte ghenesen was. Maer met
meerder reden machmen seggen dat noyt Prince oft Heere en was geluc-
kiger gequett/aengesien dat dese Prince in dese quetsure heeft ontfangen
de notabelste ende excellentste getuggenisse vanden volcke/die noyt Prin-
ce oft Heere booz zijnen tijt heeft ontfanghen.

Alst datmen wil aenmercken tghene datter is ghebeurt in dese oorloghe
die hy heeft aenueert teghen de meeste ontsienste Prince van Christenryc/
dan de Cardinael eenich ongeluck daer in mercken? Hy heeft seer veel te
doene gehad/maer wat een glozie sout zijn/wat een gheluck en boozspoet
waert dat de Prince van Ozaigne d'oorloge bestaen hadde tegen een siecht
edelman/ende meester gheworden ware? Maer hem ghestelt te hebben te-
gheneenen Coninck die so groot/so machtrich / so ontsien is/doen hy was
indemiddel van zijn victorien / ende als hebbende alle saken in zijn hant/
alle de werelt een schrick was: daer de selfde Prince van alle zijn goeden
berooft was/ende anders gheen middelen en hadde dan tfondament van
een goede sake/te weten/vande bypheyte van een goet volck teghen die ty-
rannie. Ende daer af alsulcken eynde heeft gehad / dat tselfde mijn heere
den Cardinael mach bewijzen / wie van beyden de gheluckichste is ghe-
weest. Want die onkosten vanden Coninc van Spangien zijn sonder eynde
de gheweest: tvolck dat hy ghebelicht heeft/is seer vele gheweest/en vande
geschietste krijchsliebē vander werelt: de welcke meynen subtil genoech
te wesen om de geheele werelt te regeeren / en sterck genoech om Europe
te dwinghen:ende gelts genoech te hebben om alle de Staten van Euro-
pe d'oogen wt te steken:ende autoziteyts genoech / om d'ander Coningen
veruaert te maken. Maer het eynde van deser Tragedie is / dat de wape-
nen van Castilie in Antwerpen/ende ander principale plaetsen vande Ne-
derlanden af geworpen zijn: Dat de Prince slaept inde camer vande Her-
toge van Alue: Dat hy met de voeten tredet / alst hem gelieft het hoeuelkē
der houeerdie/op dwelcke die Tyrān zijn hoochmoedighe figure of beelt
op gerescht hadde: Hy sendt alst hem ghelieft zijn lackapen/en laet die gaen

B j wandelen

wandelen op de plaetsen die de Cardinael bereypt hadde voer zijn wellust ende geneuchte. Het is waer dat de Cardinael seyt dat God hem bevaert tot een ander effect: dat is tgene dat wy geloouen: te weten/om te volbrēghen dit schoon stuck werck dat hy begonst heeft vande vermielinghe der tyrannie der hoouerdie ende moerwillicheyt vande Spangiaerts: ende alle man te laten sien hoe veel onderschepts datter is tusschen de macht vanden Coninck van Castilien / ende die ghecontersepte ende ghemaecte degelicheyt vanden Spangiaert: ende als dan geraect zijnde aen thoorchste boort van alle geluck ende salicheyt / dat hy sal alle nacomers van hem achter-laten een seer gedencckweerdige memoire / en dat hem na zijn ouerlijden den titel van Alexicacos / den welcken die hoouerdige Hertoge van Alue hem seluen binnen zijn leuen wilde toe schijue / sal geaccordeert worden met een alghemeyne consent van alle natien / die sien sullen dat die Spaensche monsters door zijn vromicheyt verwonnen zijn geweest: ende ist datter noch eenighe ouer is gebleuen / dat desen nieuwen Hercules van Franckrijcke sal gheheel wt schrabben de ghedinckenisse van dien: in voeghen datter ter werelt gheen vermaen meer en sal af ghemaecht worden / niet meer dan tghedaen wort van Bulpzis / Cacos ende Gerpon / ende sal dit lant stellen in vrede ende iustitie.

Maer ist datmen uwen Coninck wel wil van hy besien / al waert dat hem na des werelts aduys alle saken veruolchden na zijn ende uwer begeerte / mach daer oock zijn een ellendiger sake dan een vader die zijn kint doodet? Ghy sult my seggen dat hijt rechtueerdichlijc heeft gedaen / dwelcke ick v wil toe gheuen / om v vrientschap te doen. Maer een vader van sulcken huple / ende van sulcker hoocheyt / ist niet d'ellendichste mensche vander werelt / die maer een sone en heeft / erfgenaem van so veel Coninckrijcken / gelijc hy maer en hadde Don Kaerle ten tijde vande moort: ende bedwonghen te wesen / ia hy iustitie / so ghy segt / hem te doen steruen? Mach oock ter werelt ellendigher creatuere zijn als een so ondancbaren sone / ende so onnatuerlijck teghen zijnen vader / die so vernaemt ende van so grooter autoziteyt was / als die Keyser Kaerle was: de welcke binnen zijn leuen so grooten rijckdommen ghegheuen hadde eenen so catijughen sone: ende niet meer en hadde voer hem seluen ghehouden dan twee hondert dupsent ducaten iaerlicx op de landen van Spangien / ende nochtang daer af niet en heeft ontfangen zedert den tijt dat hy afstant dede van zijn Coninckrijcken? Een sone segghe ick die als sulcken vader heeft laten de reste van zijn leuen ouer brengen met Monicken / ende hem seluen onderhouden met de iuweelen ende meublen die hem noch ghebleuen waren: de welcke hy was ghedwonghen te verropen ende verletten om hem seluen te onderhouden? Een en so ondancbare sone die gheleden hadde dat d'Inquisiteurs in twijfel gestelt hadden / of men de beenders van zijnen vader soude wederom ontgrauen / om verbrant te werden als vā een ketter / om dat hy in zijn dootbedde beleiden hadde / op het vertoorch vanden Aertsbischof van Toledo / dat hy stont ende verhopende was op de verdienste Christi alleene / ende op gheen ander sake zijn hope ghestelt en hadde? Een so onna

rij

so onnatuerlijckē sone/die genomen heeft alle de goeden van desen deuchdelicken Aertsbisschop/om dat hy den Keyser totter doot toe hadde by gestaan/ende van zijn salicheyt onderwesen:ende so langhe heeft gheuangen ghehouden tot dat hy was gedwongen hem te laten gaen na Rome/waer dat die goede Aertsbisschop zijn proces ghewonnen hebbende / door dese Coninc dienaers vergheuen wert/wt vreesse dat hy soude comen in tgheruyck vande twee hondert dupsent ducaten iaerlicsche rente/die d'Aertsbisdome van Toledo heeft inne comende? Ende wat machmen catiugher hebben dan een man die zijn hupsvrouwwe doodet/dochter ende suster zijnde van so machtighe Coninghen: ende moeder vande warachtige ende alleene erfghenamen van Castilie? Machmen catiugher mensche vindē dan alsulcken incestueus die zijn eyghen nichte trouwet / ende na de doot van haer/de Keyserinne zijn suster te wercke stelt/om te radē zijn ander nichte de Douagiere van Brancrick/ende eyghen suster van d'ander/om die te moghen trouwen: d'welcke hy nochtans niet en heeft connen winnen op de ghestadicheyt ende eerbaerheyt vande Coninginne Elizabeth / hoe wel dat hy zijn beste heeft gedaē? Maer wat mach ellendiger zijn dan dese incestueuse Coninck / die binnen Bruppsel op eenen tijt t'samen was houdende/ia beurucht maecte twee ghesusters/de dochters vanden backer die hy t'stadthups woonde? Desen Coninck die met ghewelt heeft een arm Prince doen trouwen zijn bylidt/die van hem beurucht was: en heeft erfghename ghemaect / dat is te segghen dief vande goeden van dien armen Prince/den sone van dit ouerspel ghecomen? Is in dese werelt ellendigher sake dan een onuerdraghelick tyran / die in Indien heeft doen steruen by millioenen ende gelijck ripsemen/die arme creatueren? Die zijn oude onderlaten vande Nederlanden/de welcke hem ghelept ende ghebrocht hebben tot zijnder hoochster eere/ghehandelt heeft met alderhande wreetheden ende onmenschelicheden: ende die wt ghesocht heeft alsulcke instrumenten van zijn wreetheyt/als is de Hertoge van Alue ende zijn sergeanten? Dan een Tyran die teghen alle Goddelicke ende weereeltliche rechten heeft aenghetast de croone van Portugal / ten tijde dat die Staten vande Bijcke ghereet waren om na recht te wijsen wien dat dit Coninckrijcke toe behoorde? Metten cortsten ghelept / uwen Coninck is een Prince/die de schoonste Priuilegien vander werelt meent te hebben / ende principalick in dese landen/de welcke ick hier sal veruolghens beschrijven / op dat ghy meucht weten of alsulcken Coninck gheluckich is of niet.

1. Ten eersten dat hy mach verruyghen / ende metter daet heeft vanden Paus vercreghen dispensatie van alle eeden die hy heeft ghedaen / van te hanthauen ende onderhouden de priuilegien vande Nederlanden: en dat hy wt crachte van dese dispensatie mach ter neder worpen / of vrecken teghen zijnen eedt alle ordonnantien / ende in allen saken disponeren na zijn gheliefte/ende na de passien van zijn dienaers.

2. Dat hy mach teghen zijnen eedt vreemde crijchslieden in tlant brengen / ende in garnisoen legghen / Casteelen maken sonder consent van de Staten / om te bedwinghen met ghewelt ende tyrannie alle de ghene die

B ij daer

rijtj

daer teghen souden willen segghen.

- 3 Dat hy mach sonder voorgaende informatten doen vanghen de Rid-
ders vander Orden / ende by Spangiaerts ende toegheuaecte personen
henlieder proces maken / sonder t samen te roepen en vergaderen de broe-
ders en Ridders vander Orden: de selue te doen executeren metten sweer-
de / te doen verworzen in vanghenisse / ia te doen vergheuen de ghene die
aen hem van weghen de Landen ghesonden werden.
- 4 Dat hy mach doen ende stellen assulcke opheue van penninghen / ende
saerlicke ende eewighe imposten op het volck / als hem ghelieft / sonder
consent vande Staten. Dat hy mach oordeelen de muieren af te worpen
vande steden die daer teghen segghen / ende de personen die t woort boeren
tot onredelike ende excessiue boeten of bzeucken.
- 5 Dat hy mach maken ende openbaerlick wtroepen assulcke Placcaten
ende Inquisitien als hem ghelieft / sonder aduys ende consent vande Sta-
ten: ende ter doot bzenghen alle de ghene die met middel van rechte daer
teghen segghen.
- 6 Dat hy mach om te bzen d'autozitept vanden Staten / ende om die-
naers te hebben ende executeurs van zijn Inquisitie: nieuwe Bisdomme
op rechten / ende wt zijn eyghen autozitept ende consent vande Staten dese
Bisdommen bewijzen op tgoet vande Prelaten oft Abten.
- 7 Dat de ghene die Requeste presenteren / die na zijnen / of na de Span-
giaerts sin niet en is / moeten ghestraft worden / als van misdaet van Lese
Majestept.
- 8 Dat hy mach op rechten nieuwe Raden / diemen heet Radē van trou-
ble / of bloet Raden / den welcken alle macht ende volcomen autoritept is
gegeuen: ia bouen de groote Raden en Parlementen vande Nederlanden.
- 9 Dat hy by eedt mach voor goet houden de Pacificatie van Ghent / het
eewich Edict / en zijnen eedt bzen als hy meynt ten eynde van zijn voor-
nemen ghecomen te wesen.
- 10 Dat hem is gheoorlooft wten lande te voeren de ionghe Heeren van
Brabant / ende te nemen wter Oniuersitept tegen den eedt vande blijde in-
roemste / ende priuilegien vander Oniuersitept / om gheuangen te houden.
- 11 Dat hem gheoorlooft is den inwoonders van dese landen te verbie-
den / dat sy souden gaen studeren buuten den lande / en elders te huwelickē
dan inde Nederlanden.
- 12 Dat hy mach gelofte van huwelick gheuen om zijn lief te ghenieten /
ende daer na by zijnen Cancellier zijn ghelofte doen verbranden / ende
te spotten met die bedroggen vrouwe.
- 13 Als hy zijns huysvrouwen moede is / dat hy die mach vergheuen.
- 14 Dat hy zijn sone mach dooden om dat hy medelijden hadde met d'el-
lendicheden vande Nederlanden: ende niet en hadde voor goet ghehouden
die moordadighe raden vanden Hertoghe van Alue.
- 15 Dat hy mach teghen de wet Gods zijn nichte trouwen / ende de selue
doot zijnde / de suster trouwen vande ouerleden / oock zijn nichte / en hadde
de selue vrouwe niet wijsse gheweest dan hy ende haer moeder.
- 16 Dat

16 Dat hy tseffens ende op eenen tijt vooz Concubijnē mach houden twee ghesusters.

17 Dat hy mach doen vergheuen ende dootslaen de ghene die hem goetduncken / ende edel maken de ghene die soo snoode zijn als hem te dienen int volbrēngen van so ellendighe wercken.

18 Dat hy mach in nemen het Coninckrijcke van een Coninck die zijt ghebuer is / ter wijle dat het recht vanden Coninckrijcke in handen van iustitie staet.

19 Dat hy mach metten Turck bestant maken / om tChyftenrijck te be-deruen.

20 Dat hy mach Ambassaten senden aenden Coninck van Marrojo en van Fez / om hem gheluck te bieden metter victorie die hy vercregen hadde op zynen neue de Coninck Don Sebastiaen.

21 Dat hem is gheoorlooft te doen steruen vooz zijn geneuchte thien of twaelf millioenen menschen in Indien.

Daer hebt ghy mijn Heere den Cardinael de priuilegien van uwen Coninck / die nochtrans Catholike Coninck wil ghenoeit zijn. Ick laet ick v oordeelen / so verre als ghy noch eenich verstant in tijt hebt / oft oock een gheluckich Coninck is / zijnde sulck als hy is / al waert dat hem andersins alle saken na zynen wensich quamen. Maer als ghy sult aenmercken tghene dat hy alreede heeft verlozen / dwelcke v niet en can onbekent zijn / ende tghene dat hy eer cozte saken noch sal verlieden: so moet ghy wel blint ghe- worden zijn / ist dat ghy niet en siet dat zijn onghemeten eergiericheit in sulcker voeghen heeft verweert niet alleene de Chyften Princen om hē zijn vleughels te cozten / ghelijck hem die alreede seere gheroxt zijn / maer oock de Mooren ende Heydenen in voeghen dat seer te beduchten is / hoe wel dat hy out is / en ghy insghelijck: dat ghy des niettemin met hem wel soudt mogen noch sien leuen in de poozten van Siuiliē of van Madrid / gelijck met Campson wert gheleest inde poozten van Alkayze. Heet nu alsulcken Coninck geluckich / die met so schoone deuchde verciert is / ende die schandelic is verdreuen wt so schoonen lant / ende dat niet so seer met ghelwelt / als door een ghemeyne consent vanden volcke / dat een grouwel heeft van de tyrannien ende onuerdraghelicke wreetheden van eenen so catuighen Coninck. Aenmerckt nu ter ander zijden den Prince van Ozaigne / van wien mach ghelept worden / tghene dat van Aneas ghelept wort / Nulli pietate secundus: ende ouerlegt zijn gheluck ende salicheit en hoe dat God door zijn voorszienicheit hem heeft een leptsman gheweest door dupsent en dupsent perikelen: ende dupsentmael als ghy ende uwen aenhanck meyn- den dat hy onder de voet was / hem heeft weder op gheheuen / ende doen klimmen op thoorchste van alle eere ende glozie: dwelcke blinckit ende sal blincken ouer alle de werelt also licht ende claer / als uwe naem sal bekent ende eewich gemaert zijn / ghelijck als is die van Pilatus of van Judas. Ist dat alle zijn voorzeden leuen / dwelcke v niet en heeft onbekent ghe- weest / v niet en can wijs maken tghene dat ick segghe / soo aenmerckt ten minsten dese wonde / ende ouerlegt hoedanich die gheweest is / hoe die is gheselen;

ghenelen: ende ghy sult beuinden dat God selue niet zyn eygen handen de-
 le wonde heeft genelen: ende dat de ghene die God so seer lief ende weert
 is/ende van alle den volcke bemint/niet en can ongeluckich geheeten wor-
 den/dan van een leughenaer. Maer na dien dat ghy ander lieden ongeluc-
 kich heetet/laet ons een wepnich sien / met hoe goeden redenen datmen v
 mach houden voer gheluckich. 'Tis wel waer / hadt ghy v seluen ghedra-
 ghen als een man met eeren / ghy hadt groot voordeel dat ghy ghebozen
 waert van eenen vader die seer goet verstant hadde/die v ende v broeders
 groot goet heeft achter gelate/die v hadde op gezocht in saken van Sta-
 te/en tot groot credit geuordeert. Maer in stede dat hy van v soude ma-
 ken een wijs man/ghelijck zyn meyninghe was / so heeft de valscheit van
 uwer natuere sulcx geweest/dat ghy loos ende doottrapt gheworden zyn-
 de/bedect ghedraghen hebt therte van eenen Vos ende Tpgre/waer door
 dat ghy so wel geregeert hebt de saken van v meesters/dat ghy door v sot-
 termen ende vermetenheyt/ende teghen het aduys vanden Keyser/ oorsak-
 ke zyt gheweest van hē in Duytschlant te doen vallen inden meesten noot/
 daer hem opt een groot Prince heeft inne gheuonden: en gaest te kennen v
 stinckende vplicheden door v bzieuen van hoererie / de welcke geuonden
 werden onder v bagagien / doen ghy sonder trompette de vlucht naemt/
 hoozende tghelupt vande wapenen vanden seer dootluchtighen Hertoghe
 Mauris. Genighen tijt daer na heeft v meester dien ghy nu dient/te wege
 ghebrocht den paps van Cambray / vande welcke tyncipale punct was
 door uwen raet/datmen d' Inquisitie soude voorts brengen / nieuwe Bis-
 schoppen maken/om van uwe creatueren onder de Staten te hebben: ge-
 lijck ghy oock so sot zyt tselfde te bekenen in v bzieuen aende Hertoginne
 van Parma ghelchzeuen: ende door den grooten hoop Spangiaerts die
 hier te lande bleuen naer dat d'oorloghe ten eynde was / ende sommighe
 bastaert planten die ghelspannoliseert waren om met Antwerpen te leuen
 ghelijck met Mexico: ende met tgeheele lant/ghelijck met Peru gheleest
 wert: Maer so uwen boosen raet ontdeckt was / so hebt ghy oock de poortē
 doen open doen / om dat de Spangiaerts souden wten lande verdreuen
 worden. Daer hebt ghy van v ghelucken ende salicheden. En also ghy met
 uwen secreten raet vande Hertoginne van Parma/van Viglius ende meer
 ander niet op en hielt van alle saken int verwarde te stellen/(latende v sel-
 uen dencken dat ghy so veel verstanden hadt / alster hoerken zyn in v roo-
 de mutse) ende de Heeren vanden lande metter neuse te leyden / hebt ghy
 so wel v profijt ghedaen/dat sy v dreuen ouer tgeberchte in Italien/waer
 dat ghy noch gheluckigher hebt gheweest dan herwaerts ouer: want v
 hoereeren ende hoouerdie hebben v doen dzyuen wt Milan/wt Rome/en-
 de wt Naples: ende metten cortsten ghesept / Du Cardinal la braguetta /
 faict perdie la Souletta: dat is te seggen / Tbroeckten vanden Cardinael/
 heeft Goletto doen verliesen. V leuen is ouer al so ongheluckich / en daer
 toe so openbaerlick/dat v hups is gheweest een openbaer boordeel: in hoe-
 ghen dat een Bischop van desen lande die seer gheleert was inde heplige
 Schysfrure / seide: Ten minsten dat mijn Heere de Cardinael dede ghe-
 lijck

xviij

lijck S. Pauwels seyt / *Faciatis sed caute*: Want men hadde den goeden
 Heere wijs gemaect/dat S. Pauwels sulcx seyde. Maer indie men v voor
 houden soude tghetal van alle v ouerspelen/en ander vuplicheden/diemen
 niet en can ghenoeimen sonder schaemte / ende die ghy sonder schaemte be-
 dreuen hebt/wanneer soudemen ghedaen hebben? Ghy hebt v wel derren
 voeghen door beuel van uwen meester/by den Keyser Maximiliaen/ doen
 hy noch maer Coninck en was van Boheme / ende hebt hem vergheuen/
 dwelcke hy verclaert heeft tot int eynde van zijn leuen;maer en heuet niet
 derren openbaer maken/om dat hy v meester niet en soude vergrammen.
 Ghy segt dat ghy een Prelaet zijt vander kercke/des niettemin houdt ghy
 uwen rel ende spotredenen metten woorde Gods/ghelijck blijft by v da-
 ghelijcsche propooste/want als ghi wilt goet doen dat arme lieden behoo-
 ren grooue spijs te eten/ende de rijcke ghelijck ghy zijt/cleyn gebeente/dat
 self de doet ghy goet (so ghy segt)metten woorde Gods/dwelcke segt: *Esu-*
rientes impleuit BOVIS,&c diuites dimisit in AUES: Wreeft o ghy carijuch
 mensche dat de ghene met wiens woort ghy spot / niet en volbrenghe tge-
 ne dat ghy segt:ende dat hy v dimittat in aues / dat is te seggen/dat v licha-
 me of stinckende vleesch gheē spijs en werde vande rauē/ende v siele een
 aēs van die swarte voghels der dupsternisse. Ende voort hebende soo
 eerlicke denckden/so meynnt ghy seer geluckich te wesen/die uwen meester
 hebt doen verliesen de schoonsste bloeme van zijnen hoet / ende hebt daer
 mede doen croonen mijn heere den Hertoghe van Brabant / de welcke de
 persone is dien hy meest hatet/naest de Prince van Oragne:ende wien hy
 door alle middelen heeft gesocht vander werelt te doe helpen. Ghy meynnt
 wel een meesters stuck bedreuen te hebben / met hem so wel te helpen drij-
 uen de sake van Portugael / so door v listighe practiken metten Paus/die
 beter Spangiaerts is dan ghy zijt/als door die heymelicke practiken met
 eenighe Heeren van Portugael/ende verraders van heulieder Conincrijc-
 ke. Dat uwen meester door ghewelt van wapenen heeft verdreuen den
 gerechten ende natuerlicken Coninck/daer tyroces vanden Conincrijc-
 ke noch niet ghewesen en was: Maer ghy sult daer door seer coets v mee-
 ster sien verliesen zijn Indien/dat is te seggen de put daer hy zijn gout wt
 haelt / dwelcke tfondament is van zijn tyrannien / handelinghen ende be-
 droch. Ghy sult hem seer haest so wel gheprangt sien vande zijde van Afri-
 ke/ia in tbinnenste van Spangien/waer dat v raetslaghen in Castilien en
 Arragon/ia by de principaelste/hem in sulcken haet brengen/dat ghy bin-
 nen uwen leuen sult ghedwonghen zijn te bekennen/ dat ghy de carijuch-
 ste Priester zijt/die onder shemels cappe is. Ghy zijt so sot en onuerstan-
 dich / als ghy meynnt een register te wesen van schalckheden/dat ghy alsoo
 haest schrijft tot uwen bederuentisse als tot v profijt: Ghy zijt so ongheluc-
 kich dat v dreuen in onsen handen vallen:ende hoe wel dat ghy v dupsent
 mael beroemt hebt/dat ghy de cloerste meester vander werelt zijt om met
 cijfer te schrijven/so is nochtans de cijfer die ghy ghebruict/als ghy met v
 eyghen hant schrijft/so subtyl/dat een kint tself de so haest sal lesen als zijn
 lesse: in voeghen dat ghy met v voorgaende dreuen / die tvoorleden Jaer
 ghedruct

ghedruct werden / in perikel hebt ghestelt die arme Abten / die hen te seer
 dwaesselick hebben laten geleggen en omme setten dooz v beuselen en lo-
 ghenen. Ghy zijt so onuerstandich dat ghy van bouen neder schrijft vande
 Spangiaerden al dat v goet dunct: gelijc men heeft gesien by v boozgaen-
 de bzieuen die oock tboozleden Jaer gedruet werden: daer ghy nochtang
 zijt in haerlieder handen/ gelijck tusschen de clauwen van een kiekendief.
 Ghy verscheurt den Hertoghe van Alue/ghy misprijst zijn wercken / ende
 zijt so qualick bedacht dat ghy niet en geloofst dat hy v also lichtelick soude
 moghen betrappen/als hy Escouedo dede/dien hy tleuen dede nemen/om
 dat hy van hem geclapt hadde. In dese laetste bzieuen die nu gedruet zijn/
 wat al sotternien/beuselinghen/en saken nergheens toe dienende/zijn daer
 inne begrepen. Meynt ghy dat dese Heeren/en mannekens van Heere/aen
 de welcke ghy schrijft dese speel-bzieuen / noch soo beestachtich zijn/dat sy
 niet en verstaen dat v bzieue niet anders en zijn dan wylwater vande Po-
 ue? Meynt ghy dat de Burchgraue van Ghent dien ghy so seer prijst/ont
 dat hy so schoone openinghe heeft gemaect om de Spangiaerts te doe we-
 der keeren/vergeten heeft tghene dat hy selue seyde teghen de Prince van
 Parma inde volle vergaderinge vanden Staten / alshien op dit stuck raet
 was nemende/daer hy badt uwen Coninck/dat hy zijn hande niet en sou-
 de willen wepcken in zijn bloet? Montigny begeeret gouuernement van
 Vlaenderen/ghy hout hem op met woorden/en spot met hem/en al waert
 dat ghy hem tselfde hadt doen geuen/ghy en sout hem niet vele gheschone-
 ken hebben:des niettemin naer dat ghy hem seer ghepzelen hebt / dat is te
 seggen/de pluymen hebt gestreke/ghy en durft noch van dien sin niet zijn/
 datmen op hem van eenighe sake soude moghen betrouwen. Also is hem
 oock geweygert gheweest tgouuernement van Doornick / so sal oock dat
 van Venegouwte/of men sal hem pminers een voocht willen stellen. Ende
 waert sake dat die Burchgraue van Ghent niet en hadde dat vā Artops/
 hy en soudet nemmermeer krijgen. Ghy zijt so qualick geleert dat ghy tle-
 creet vander Nisse te kennē gheeft:verclarende welcke de meyninge was
 van v en van uwen meester/uit opzichten vande nieuwe Bisschoppen / te
 weten/om te hebben v creatueren en sinnekens onder de Statē:nochtang
 so was de welbaert en boozderinghe vanden gelooue en Catholike Kerk-
 ke/het momaenslicht/ende prologhe van alle placraten ende ordonnantie.
 Siet daer hoe dat ghi spottet met die Christelike Religie/en daer mede v
 niet en behelpt dan om goet te krijge/ en als een decmantel van v boose en
 valsche practiken. Ghy toont oock dat ghy alle saken weet/als ghi schrijft
 dat de Coninginne/ moeder vanden Coninck van Brancrjck / heeft pe-
 niant gesonden van Marseille/om den Turck te verwilligen/dat hy soude
 willen de wapenen aen trecken tegen v meester:al of de Coninginne moe-
 der dese sake niet en can handelen (ist dat sy wil) dooz den ordinairen Am-
 bassadeur/die binnen Constantinople zijn residentie heeft: en al oft sy niet
 en hadde in handen gehad twee Ambassaten vanden Turck/die dese laet-
 ste winter in Brancrjck waren. Meynt ghy oock dat die Fransopsen so
 stercht zijn/dat sy niet en souden weten dat den wech van Venegien en Ba-
 guze

rix

guze veel lichter is ende gemakkelijker na Griekē/gelijck die van Mar-
 seille is na Egypten ende Surien? Maer ghy zijt een meester Docteur/die
 alleene mepnt meester te wesen/en alle saken te weten / ende dat alle ander
 maer beesten en zijn. Niettemin op dat ghy meucht weten dat ghy een sot
 en opgeblasen geck zijt / ick sal v segghen de reden waerom dat de Conin-
 ginne ghesonden heeft van Marseille/ende hadt ghy uwen bzil op v neuse
 geset/ghy haddet mogen sien. En weet ghy niet dat sy heeft aen genomen/
 so wel in haer eppen name/als actie pretenderende voor haer epgē hooft/
 als oock als beschermvrouwe vande Coninck Don Antonio / de bescherm-
 minghe van Portugael? Ist dat ghijt niet en weet/ghy sullet haest weten/
 als ghy sult sien het soonken vande gene die op zijnen arm schreef nostris
 ex officio vltor: als ghy sult sien/segge ick/inde geheele zee Creane af ruc-
 ken de wapenen van Castilien. Hadt ghi nu dese saken ouerdacht/en war-
 waerts dat dese schipvaert van Marseille henen gaet/ te wetē na Alexan-
 drie/Tripoli van Surien/en na Halepo/so hadt ghy mogen wijs worden
 dat den rechten wech is/om te lande naer Indien te reysen / en den Vice-
 rop van Indien de wete te doen/dat de Coninck Don Antonio zijn mee-
 ster de wapenen inde hant noch heeft / om hem te wreken op uwen Ty-
 ran. Maer ghy behoort nu ten minsten wel een wepnich daer af te weten/
 als ghy merct dat de Vicerop die uwen meester daer gesonden hadde/ghe-
 uangen was/en met ketenen ghebonden vande getrouwe onderlaten van
 den Coninck van Portugael. Ick mepne nu dat ghy v seluen meucht ghe-
 luckich heeten/allinen v so groote saken wijs maect/en dat v luttel cost. V
 onuerstant en is niet minder/als ghi toont dē grootē lust die ghi hebt/dat
 v meester v oorloghe aenueerden soude tegen de Coninck van Brancgck:
 want v meester is daer in wijser dan ghy zijt / dat hy niet en wil treden in
 so sware ende periculose oorloghe/die hem op corten tijt tot inde gront sou-
 de bederuen. Maer den haet die ghy den Francopsen draecht / verblint v
 so seer/dat ghy sonder verstant ende discretie blijft: Ghy seyt in uwe ander
 voorgaende brieuen/dat de Francopsen lichter zijn te slaē/dan te versmoec-
 ken of braueren: nu segt ghi dat wonder is datmen niet en kent haerlieder
 clepne macht:maer ghy catijf en liet niet de cranche macht van Spangie/
 de welke meer dan gebleken is inde oorloghe die de Prince van Orange
 met so luttel middelen wederstaen heeft: en nochtans heeft hy met cracht
 en raet alle v Spangiaerts gebroken/ende logeert nu in haerlieder caste-
 len eertijts geweest hebben/ dwelcke een excellenter teecken is van victo-
 rie/dan tbeelt van uwen Hertoghe van Alue ootmoedich was. Ghy en liet
 niet dat uwen Coninck dit lant verloren hebbende/ende dat de Francops
 eene clepne macht houdende in het Marcgraefschap van Saluce: eenen-
 ge garnisoenen ontrent Narbonne en Carcassone / geheel Spangien ende
 Italien op den toom hout. Ghy en merct niet dat ghy / sprekende sulcke
 woorden/en oock niet te seggen dat mijn Heere den Hertoge van Brabant
 niet een voet en verset sonder de wete vanden Coninck zijnen broeder / en
 vande Coninginne zijn moeder/eenen Coninck tercht en vergramt die op
 eenen bot uwen Coninck mach drijuen ouer tgeberchte / en so valt pran-

xx
ghen/ dat hy / ghelijck zijn voorszaten dooz de vrome seften en wijse beley-
dinghe vanden vromen Ridder Bertran van Gueselin ghestelt hebben de
croone van Castilien in handen vanden bastaert Don Pedro/ voorszat vā
uwen Coninck/ oock soude mogen lichtē de croone van v meesters hooft/
en die gheuen een eerlicker man dan hy is. Maer bouen al toont ghy v sel-
uen seer verstandich als ghy segt: Dat vvare den deun, datmen in v bloetgie-
rige handen, ende van dijns ghelijcke leuerde mijnen Heere den Hertoge van
Brabant, om getraecteert te vvorden na zijn verdiensten. Catjuich Cardinael
die niet en pepnst dan onmenschelicheyt en wreetheyt / en of God woude/
dwelcke hy niet en sal ghedoogen / dat hy dooz d'oorloghe soude vallen in
handen vanden Coninck uwen meester / wat raet sout ghy gheuen? God
wilde dat zijn grootvader gheuangen was/ en eenighen tijt daer na heeft
men den Keyser ghelien in handen vanden Coninck Fransoys. Hadt ghy
doen ter tijt een stemme int Capittel gehad/ wat sout ghy doch gheraden
hebben? Maer ghy betrouwt v op de humeuren van uwen Meester/ die ghy
weet dat zijnen sone en zijn wijf ghedoot heeft: en dooz uwen handen heeft
doen vergeuen zijn swager en cousijn den Coninck van Bohemē. Meent
ghy dat hy anders soude willen leuen met zijn ander swager: en also sullen
wy van hem wel mogen segghen: At non ille satum quo te mentiris Achille.
Talis in hoste fuit. En noch zijt ghy een frap gheselle/ als ghy den geck wilt
scheeren: en om dat het woort Durate v so wel behaecht/ dat ghyt hebt ghe-
nomen vooz v deuise/ so maect ghy oock een gupchelrie op Durabit: waer
af dat ghy maect dur habit / dwelcke ghy heet in v Bourgoensche sprake
(want ghy hebt desen briez met v eygen hant gheschreuen) cuirasse de fer/
dat is te seggen een pser colder / niet wetende van waer dit woort cuirasse
den oorspronck heeft: ende daerentusschen contersept ghy de Prophete/ ge-
lijck Cayphas dede/ als ghy segt dat de maent van Mepe noch niet gepas-
seert en is/ binnen de welcke ghy meyndet dat v boos voornemen / van te
dooden mijnen Heere den Hertoghe van Brabant/ behoorde volbrocht te
wesen. Maer God danck/ de maent van Mepe/ en van Junius zijn gepas-
seert/ ende zijn Hoocheyt is seer wel te passe/ ia vaert beter dan v lief is.
Maer weet ghy nu wat ghy doet/ so geluckigen dienaer zijt ghy / dat is
ghelijcker noch resteerde dooz tbesteck van v gesellen/ eenighe swaricheyt
inde herten van sommige vande slechtste menschen / te weten/ datter was
een hemelick verstant tusschen v meester en den onsen/ so hebt ghy nu ge-
heel werch genomen dese reste van wantrouwe/ en hebt geholpen tlant be-
uestighen in handen van mijnen Heere van Brabant. Nemerckt nu hoe
geluckich dat ghy zijt/ als v saken so goeden voortganck hebben/ en so wel
na uwen sin gaen. Ghy begeert de doot vanden Heere van S. Albegonde:
is dat den loon die ghy zijn geslachte gheeft/ het welcke ghi danc moet we-
ten van al tgene dat ghy hebt/ gemerct dat v niet en can onbekent zijn dat
zijnen grootvader heeft uwen vader ghebrocht inden dienst vanden Key-
ser/ die maer een Procureurken was van Dole: Maer ghy hebt noch wil-
len voegen by v ander qualiteyten / dese schoone bloeme van ondancbaer-
heyt. Mengaende v eerbaerheyt en oprechticheyt / die wort also wel gekent
in clepne

xxj

in clepne sake als in groote: Ghy wilt dat die armen Deken van S. Goele v dancke/van het schoon present dat ghy hem hebt gegeuen / als van hē te resigneren oft ouer geuen het Aertsbisdom van Mechelen/maer hi hadde lieuer hondert croonen wt v borle. Of hy v resigneerde het Patriarchschap van Jerusalem/of het Bisdom van Bethleem/of zijn Dekenschap/hy soude v desghelijcx doen/want ghy sout v seluen alsoo belet vinden van tselfde te genieten/als hy sal zijn van v Aertsbisdom. Ghi sult v wel wachten te resigneren uwe Abdie van S. Amant/om dat ghi noch wat profijts daer af geniet. Dat zijn de milde giften van mijn Heere de Cardinael. Oec is zijn wetenschap seer excellent / als men mach sien aen een cleyn sturcken van dien:want hy sept/en liecht niet te min met eene/in eenē van zijn brieuen niet zijn eyghen hant gheschreuen/dat den Turck sondt na d'oorloghe van Persen seker ghetal van Capiteynen ende soldaten/ende willende segghen/dat den Turck sondt twee Sangiaquen/soo schrijft hy dat hy sendt twee saincts Jacques. Hy meynde dat den Turck S. Jacopen hadde/geelijck de Spangiaerts S. Diegos hebben. Ghy laet v oock dunckē dat ghi een groote practike hebt geuonden/als ghi schrijft dat de van een geschepten Prouincien / een seer goet fondament genomen hebben vande Spangiaerts wederomme te doen comen: aenghesien dat die ander landen hem niet weder en hebben vereenicht door het afwesen vande vzeemdelingen. Maer ghy dient wter maten wel om te bedriegen de ghene die bedroghen willen zijn. Meynt ghy dat wy niet en weten dat v Prinsken van Parma/of v clepne nieuwe Alteze en Serenite een wtlander is:meynt ghy dat wy niet en weten dat hy de sone is van Octauius Farnese / ende neefken van den vermaerde Pieter Lops/dat hy tot Rome geboren is/en dat hy daeromme meynt so veel edelder te wesen:meynt ghi dat wy niet en weten wie Rebles is / wie Verdugo / wie Mondragon is/ende dat de vendelen met Spangiaerts gheuopeert zijn / ende dat de hoofden van dese landen elck een Italiaen of Spangiaert voor schoolmeester hebben? Maer het is ghenoech dat ghy een loyer hebt/om de voghels op de hant te doen comen:en ghy en pepnt niet dat die van Artops en vā Benegoutwen metter tijt moghen v bedroch mercken. Ende al ist dat de Heeren soo seer betoouert zijn door geloften ende ydel tijtels dat zijt niet merckē en connen/of door haer lieder haet ende nijt achterwaerts gehouden worden van weder te comen op den rechten wech:meynt ghy dat de groote steden sullen willen sien om de gepasside affectien van sommighe hen seluen destrueren ende bederuen/ter wijle dat mijn Heere de Cardinael binnen Madrid zijn soete liefkens feestert ende onderhout? Ende voor thoorchste van uwe wijsheyt/gebent het tghene dat ghy schrijft met v eyghen hant aen Morillon aengaende uwen broeder:want ten eersten so leert ghy ons onse lesse/soo veel te sekerder om dat ghi zijt ons meeste vyant/ende sinedet niet eene sloten en stercke ketenen om uwen broeder vast ghesloten te houden: Ist dat ghi in sulcke fouten vallet teghen uwen broeder / wie isser die v onuerstant niet en merckt? Ghy sult segghen dat ghy niet en meyndet dat dese brieuen souden ghenomen werden/ende dattet een ongheluck is/dwelcke ick v accor.

C ij dere/

xxij

bere/te weten/dat ghy niet wijs en zijt in te segghen non putabam/en dat ghy boozwaer ongheluckich zijt/van te sien dat v raetlagen int openbaer comen tot achterdeel van uwen naesten. Metten roytsten gheseyt/ghy zijt het recht peert van Seins/ende tgout van Tholouse: want noyt mensche en heeft niet v te doene ghehad/ of hy en heeft qualick gheuaren: in voeghen dat ghi behoort te comen inde Chiliades van Erasmus/ende in tselfde hondert van het gout van Tholouse/waer dat hy moet geuoecht worden de Cardinael van Granbelle/om te bedieden een ellendich ende ongheluckich mensche/ende die bedozuen en gheruineert heeft alle zijn meesters ende vrienden.

Wat sal ick oock segghen van dien catijf Añastro: laet ons ten eersten aemmercken zijnen raet. Om te schulwen den naem van banckerotier/soo neemt hy aen te doen een so snoode ende veruloerckelick seyt/hy maecht roop booz een ghesetten prijs metten Coninck van Castilien/door middel van Asunsa/als booz de somme van tachtentich dupsent ducaten/maer hoedanich heeft d'oorlake gheweest? Dat is dat Añastro die hem ontsach bekent te zijn booz banckerotier op de boze van Antwerpen/is nu bekent van alle de werelt/ia ghedoemt door zijn eyghen vrienden ende maghen/niet alleen booz banckerotier/maer oock booz moorder/ia booz een bloode moorder/die selue zijn schelmerie niet en heeft derren executeren/maer verleyt heeft een arm catijf/dien hy heeft doen gaen in zijn doot/met zijn ander dienaer/bepde ionc-mans/ende oock zijnen biechtvader. Hoedanich sal dan zijn het leuen van Añastro/die snoode ende verachte mensche/ia vande ghene den welcken hy hem seluen heeft vercocht/gelijck zijn makelaer Asunsa ghenoech ghetuyghet in zijn eygen vrieuen:ende die een deplinghe also lustich wil maken/als de ghene deden die tvel vanden beyz wilden deelen/ende selfs zijn eyghen vader wil bedrieghen. Dat is dat hy in Spangien gheenings daer af en can voldoeninghe krijghen/ende wort weder ghesonden aen de doze ende magher financen vande arme Walcontenten. En is dat niet allulcken betalinge als dese moorder/dese snoode banckerotier/ende verraderliche schelm verdient ende weerdich is? Als de Prince van Parma hem booz verskert hielt vande doot vanden Heere de Prince/hy gaf hem bewaerders/hy eerde hem ghelijck een Prince/hy hielt hem by hē: naderhant so wert hy van alle de werelt verlaten als een booswicht ende eerloos boeue. Ja vele segghen dat ianmer is/dat hem de Beul niet en heeft wter werelt gheholpen. Maer het waer schade dat hy doot ware/want hy sal thien dupsent dooden daechs steruē:de verschrict heyt van zijn eyghen conscientie sal hem pijnighen/ende sal voortae die nen booz een schouspel ende spot van alle de werelt. Ist dat hy in Spangien coemt/hoe sal hy moghen ontgaen wten handen vande vrienden van die ionghe onbedachte menschen/die hy inde doot heeft gheiaecht? Wat werck sal van hem maken de Coninck van Spangiē/die alreede met hem spot? En sal hy hem niet met reden antwoorden/dat hi hem niet schuldich en is/aenghesien dat hijt niet en heeft volbrocht/ende daer toe/ist datmen pet schuldich is/dat is aen Jauregup/die de scheute ghedaen heeft? Ende dat hy

xxij

dat hy dien alreede heeft volbaen / ghefondeert hebbende tot zijnder eeren
so schoonen Capelle / ende met te doen stellē int boeck vande Martelaers /
dat is te segghen / Om te vervullen tghene dat die gulden legende seyt: De
lichamen van veel menschen vvorden op der aerden geeert, vande vvelcke de
sielen inder hellen ghepijnt vvorden. En sal hy niet segghen dat Alastro
een bloo schelm is / die selue niet en heeft derren pet bestaen?

Siet daer den loon van Spangien. Ende aengaende dese arme en ma-
ghere nieuwe Alteze / die soude gheluckich ghenoech zijn / hadde hy waer
mede om zijn moeder te helpen / de welcke binnen Namen vergaet van el-
lende ende armoede: ende dat ergher is / van schaemte dat sy van haer sone
so qualick ghetraecteert is gheweest / die haer noyt en heeft willen pet ouer
gheuen zedert dat sy in dese landen gheromen is / in voeghen dat haer Se-
cretaris Aldobrandin seyt / dat haer bliuen in dese landen / eenen van is.
Maer wat heeft sy anders moghen verwachten van eenen sone / die van
achter op haer zijn tonghe wt stact / van dat hy noch ionck zijnde / int Hof
was tot Brussel? Sulcx sal dan den staet zijn van dien gheluckigen Alas-
tro / die niet veel beter en sal zijn / dan die vanden Coninck zijnen meester /
ende van zijnen Cardinael. Ende ten eynde dat ick weder keere tot mijnē
Cardinael / ick sal hem op een nieu bidden dat hy aenmercken wil dit coyt
verhael / ende sonderlinghe tghene dat ghebeurt is in dese laetste moorde-
die / ende ick ghelooue dat hy sal verstaen dat hi een excellent loghenaer is /
als hy den naem van ongeluckich of ratijf / gheeft den geluckichsten Prin-
ce van zijnen tijt / ende den Doozluchtichsten die in Europa is: Maer ist
dat hy dit Epithete of bywoort wel wil te passe brengen / dat hijt gheue
den ellendichsten Coninck vander werelt / wiens leuen alle man tegen is /
principalick om zijn moordadige practijckē: en zijnen staet die so bloeyen-
de is gheweest / staet nu so wanckelbaer / dat hi dien eer langhe sal sien ghe-
heel ter neder legghen.

f f f f f.

